

SARS yi Lemukisa Mayelanana na Vulandzelelanawu bya Nhundzu ya Khiripito

Tshwane, 9 Nhlangua 2024 - Vukorhokeri bya Xibalo bya Afrika-Dzonga (SARS) byi lemukile nkulo wo hlamarisa wa ntirhiso wa tikharensi ta xidijiti to hambanahambana hi vaaki vo tala va Afrika-Dzonga. Swa nkoka exikarhi ka leswi i nhlayo leyikulu ya tinhundzu ta khiripito. Nhlayo yo tlandlamana yo tlula 5.8m ya vaaki va Afrika-Dzonga yi khome nhundzu ya khiripito, laha Dzonga wa Afrika wu nga na nhlayo leyikulu swinene eka Bitcoin laha misaveni.

SARS yi vileriswa hi leswaku tinhundzu leti ta khiripito na ku thireda a swi tivisiwi eka mitlheriso ya xibalo ya vahakelaxibalo. SARS yi boheka hi nawu ku tihlamulela eka malinghena yihi na yihi kumbe tinhundzu leti khomiweke hi vahakelaxibalo na lava rhambeke micincano ya khiripito na lava ngheneleke eku thiredeni kumbe ku khoma tinhundzu ta khiripito ku tivisa migingiriko leyi xakelanaka eka tshaku ra ntsakelo. Tanihi ku landzela, SARS yi ta katsa tinhundzu ta khiripito eka tiphurogireme ta yona ta vulandzelelanawu. Tanihi mbuyelo, SARS yi le ku burisaneni na *Financial Sector Conduct Authority* (FSCA) mayelana na nyiketo wa vukorhokeri eka *Crypto Asset Service Providers* (CASPs) lava tsarisiweke. SARS yi le ku kumeni ka vuxokoxoko hi ku kongoma ku suka eka micincano ya laha kaya.

Swa nkoka swinene, swi fanele swi khwatihatiwa leswaku hi ku tirhisa mitwanano ya matlhelonyingi, SARS yi cincana vuxokoxoko na vulawuri byin'wana misava hinkwayo. Nyiketo wa tiakhawunti ta khiripito ta le ndzhandzheni wu ta va nhlokomhaka ya ntwanano wa matlhelonyingi lowu faneleke ku sayiniwa hi Vaholobye va Timali hi Hukuri 2024 lowu nga ta hatlisisa cincano wa vulawuri wa vuxokoxoko byebyo mayelana na vahakelaxibalo va le Afrika-Dzonga.

SARS yi tshembha leswaku vahakelaxibalo vo tala va tshembhekile naswona leswaku va langutele ku pfunetiwa ku hetisisa swiboho swa vona swa xinawu. Ku landzela xileriso xa hina xa xinawu, SARS yi nyika ntiyisiso na nhlamuselo mayelana na swiboho hinkwaswo swa xinawu eka vahakelaxibalo na vaxavisi. SARS yi le ku tirheni yi nga karhali ku endla swi olova no vevuka eka vahakelaxibalo na vaxavisi ku landzelela swiboho swa vona hi ndlela yo kala swikhutu. Hi ndlela ya nkoka, xikongomelo xa hina xa qhinga i ku endla swi nonoha no durha eka lava nga landzelerisiki hi vomu. Matshalatshala lama ma kongomisiwe eka ku seketeka xikongomela xa qhinga ra hina ro hlayisa ndhavuko wa vulandzelelanawu hi ntsakelo.

Hi mbuyelo, eku ololoxeni ka vulandzelelanawu bya khiripito, SARS yi le ku engeteleni ka tshaku eka swipano swa yona swa oditi ku seketela mapfhumba ma nsindziso. SARS yi kongomile eka ntirhiso lowukulu wa vutlhari lebyi nga riki bya ntumbuluko, vudyondzi bya muchini na tihlayohlayo ku phurosesa ntirho wa hina. Eku tirhiseni ka xileriso xa hina,

SARS sweswi yi humesile mapapila mo vutisa eka vahakelaxibalo lava nga na tinhundzu ta khiripito. Mapapila lama ma kongomise eku kumeni ka mbono eka vuvekisi bya vahakelaxibalo eka tinhundzu ta khiripito na mixaviso leyi endliweke ku kotisa SARS ku hlaluva vuzandzelelanawi bya muhakelaxibalo eka xiyimo lexi.

Vahakelaxibalo lava nga khumbekaka no vilela hi ndlela yo twisiseka mayelana na vuzandzelelanawu bya nhundzu ya khiripito va tsundzuxiwa mayelana na Phurogireme ya Mpaluxo hi Ntsakelo (VDP) ku fambisa vuzandzelelanawu. Xivandla lexi xi na swipimelo swo tika. Xin'we hi leswaku vahakelaxibalo va fanele ku tshunelela SARS ku sungula. Endzhakukaloko SARS yi boxile vahakelaxibalo leswaku va oditiwa, va siveriwile ku endla xikombelo xa VDP.

Khomixinara wa SARS Ttn Edward Kieswetter u tsundzuxile vahakelaxibalo nakambe ku xixima swiboho swa vona swa xibalo hi ku tshembeka na hi ntirho ku tivisa malinghena ya vona. U te: "SARS yi tirhile yi nga karhali ku tiyisisa vuzandzelelanawu eka vahakelaxibalo hinkwavo, naswona lava papalataka vutihlamuleri bya vona va endla ndzhwalo wa vuzandzelelanawu wu tika eka vahakelaxibalo lava landzelelaka. Leswi a swi voyamelangitlherin'we ku khumba vahakelaxibalo lava tshembekeke ntsena kambe swi khumba lava nga sirhelelekangiki eka vaaki hi ku pimela hi ndlela yo biha vuswikoti bya mfumo ku phakela midende na mivuyeloya swa vanhu leyi lavekaka swinene. Pfumelani hinkwavo va swi tiva leswaku thekinoloji yi ndlandlamuxile vuswikoti bya SARS ku lwa na vahakelaxibalo lava nga landzelerisiki. Lemukisiwani, SARS yi ta tirhana na hinkwavo handle ka nchavo, tintswalo kumbe ringhohe."

Mayelana na vuxokoxoko hi xitalo, u komberiwa ku tihlanganisa na SARS hi ku tirhisa SARSMedia@sars.gov.za.